



An Bhruiséil, 2 Bealtaine 2025
(OR. en)

7917/25

CDR 24

NÓTA MAIDIR LE MÍR "A"

ó:	Ardrúnaíocht na Comhairle
chuig:	An Chomhairle
An:	2 Bealtaine 2025
Ábhar:	Dréachtchinneadh ón gComhairle lena gceaptar comhaltaí agus comhaltaí malartacha de Choiste na Réigiún don tréimhse ón 13 Bealtaine 2025 go dtí an 25 Eanáir 2030 agus lena leasaítear Cinneadh (AE) 2025/71 – Glacadh

1. Tháinig deireadh leis an téarma oifige a bhí roimhe seo ag Coiste na Réigiún an 25 Eanáir 2025¹.
2. Faoi Airteagal 305 CFAE, is í an Chomhairle a cheapann comhaltaí agus comhaltaí malartacha de Choiste na Réigiún ar feadh téarma 5 bliana, ag gníomhú di trí thromlach cáilithe ar mholtaí arna ndéanamh ag na Ballstáit faoi seach.
3. Le doiciméad 9007/24, d'iarr Ardrúnaíocht na Comhairle ar na Ballstáit a moltaí a chur isteach le haghaidh iarrthóirí lena gceapadh mar chomhaltaí agus mar chomhaltaí malartacha de Choiste na Réigiún don tréimhse ón 26 Eanáir 2025 go dtí an 25 Eanáir 2030.

¹ Cinneadh (AE) 2019/2157 ón gComhairle an 10 Nollaig 2019 lena gceaptar comhaltaí agus comhaltaí malartacha de Choiste na Réigiún don tréimhse ón 26 Eanáir 2020 go dtí an 25 Eanáir 2025 (IO L 327, 17.12.2019, lch. 78).

4. An 10 Nollaig 2024, ghlac an Chomhairle Cinneadh (AE) 2025/71² lena gceaptar comhaltaí agus comhaltaí malartacha de Choiste na Réigiún don tréimhse ón 26 Eanáir 2025 go dtí an 25 Eanáir 2030. Leis an gCinneadh sin, ceapadh na comhaltaí agus na comhaltaí malartacha arna moladh ag rialtas na hEastóine, na hÉireann, na Cróite, na Cipire, na Laitvia, Lucsamburg, Mhálta, na hÍsiltíre, na hOstaire, na Portaingéile, na Slóivéine, na Slóvaice, na Fionlainne, agus na Sualainne don tréimhse ón 26 Eanáir 2025 go dtí an 25 Eanáir 2030. Ceapadh le Cinneadh (AE) 2025/71, don tréimhse chéanna, 12 chomhalta agus 9 gcomhalta mhalartacha arna moladh ag Rialtas na Seice, 7 gcomhalta agus 9 gcomhalta mhalartacha arna moladh ag Rialtas na Danmhairge, 23 chomhalta agus 19 gcomhalta mhalartacha arna moladh ag Rialtas na Gearmáine, 11 chomhalta agus 12 chomhalta mhalartacha arna moladh ag Rialtas na Gréige, 20 comhalta agus 20 comhalta malartach arna moladh ag Rialtas na Spáinne, 22 chomhalta agus 24 chomhalta mhalartacha arna moladh ag Rialtas na hIodáile, 21 chomhalta agus 20 comhalta malartach arna moladh ag Rialtas na Polainne, agus 9 gcomhalta agus 9 gcomhalta mhalartacha arna moladh ag Rialtas na Rómáine.
5. An 21 Eanáir 2025, ghlac an Chomhairle Cinneadh (AE) 2025/201³ lena gceaptar, don tréimhse chéanna, comhaltaí agus comhaltaí malartacha de Choiste na Réigiún arna moladh ag Rialtas na Bulgáire, na Liotuáine agus na hUngáire. Chomh maith leis sin, le Cinneadh (AE) 2025/201 ceapadh 10 gcomhalta agus 10 gcomhalta mhalartacha arna moladh ag Rialtas na Beilge, 24 chomhalta agus 23 chomhalta mhalartacha arna moladh ag Rialtas na Fraince don tréimhse chéanna. Thairis sin, le Cinneadh (AE) 2025/201, ceapadh beirt chomhaltaí agus comhalta malartach amháin a mhol Rialtas na Danmhairge, agus ceapadh duine de na comhaltaí sin mar chomhalta malartach ar dtús le Cinneadh (AE) 2025/71. Cheap sí freisin comhalta malartach amháin a mhol Rialtas na hIodáile tar éis do chomhalta malartach arna cheapadh le Cinneadh (AE) 2025/71 éirí as oifig.

² Cinneadh (AE) 2025/71 ón gComhairle an 10 Nollaig 2024 lena gceaptar comhaltaí agus comhaltaí malartacha de Choiste na Réigiún don tréimhse ón 26 Eanáir 2025 go dtí an 25 Eanáir 2030 (IO L, 2025/71, 16.1.2025, ELI: <http://data.europa.eu/eli/dec/2025/71/oj>).

³ Cinneadh (AE) 2025/201 ón gComhairle an 21 Eanáir 2025 lena gceaptar comhaltaí agus comhaltaí malartacha de Choiste na Réigiún don tréimhse ón 26 Eanáir 2025 go dtí an 25 Eanáir 2030 agus lena leasaítear Cinneadh (AE) 2025/71 (IO L, 2025/201, 31.1.2025, ELI: <http://data.europa.eu/eli/dec/2025/201/oj>).

6. An 18 Feabhra 2025, ghlac an Chomhairle Cinneadh (AE) 2025/378⁴, lena gceaptar, don tréimhse ón 18 Feabhra 2025 go dtí an 25 Eanáir 2030, beirt chomhaltaí agus beirt chomhaltaí mhalartacha de Choiste na Réigiún arna moladh ag Rialtas na Beilge, beirt chomhaltaí mhalartacha arna moladh ag Rialtas na Gearmáine, comhalta amháin arna mholadh ag Rialtas na Gréige, comhalta amháin agus comhalta malartach amháin arna moladh ag Rialtas na Spáinne, beirt chomhaltaí arna moladh ag Rialtas na hIodáile, seisear comhaltaí agus seisear comhaltaí malartacha arna moladh ag Rialtas na Rómáine, agus comhalta malartach amháin arna mholadh ag Rialtas na Polainne. Cheap sí freisin comhalta amháin don Ghearmáin a mhol Rialtas na Gearmáine tar éis do chomhalta malartach arna cheapadh le Cinneadh (AE) 2025/71 a shainordú a chailleadh.
7. Tar éis ghlacadh na gCinntí sin agus i gcomhréir leis an nós imeachta a leagtar amach in 9007/24, tá moltaí breise déanta ag na Ballstáit⁵ maidir le comhalta amháin agus ceathrar comhaltaí malartacha de Choiste na Réigiún a cheapadh.
8. Dá bhrí sin, is gá anois triúr comhaltaí malartacha arna moladh ag Rialtas na Seice agus comhalta amháin agus comhalta malartach amháin arna mholadh ag Rialtas na Gearmáine a cheapadh don tréimhse ón 13 Bealtaine 2025 go dtí an 25 Eanáir 2030.
9. Thairis sin, i litir dar dháta an 7 Aibreán 2025⁶, thug Ardrúnaí Choiste na Réigiún fógra don Chomhairle go raibh deireadh tagtha leis an sainordú ar dá bhun a ceapadh Malte KRÜCKELS ina chomhalta de Choiste na Réigiún don tréimhse ón 26 Eanáir 2025 go dtí an 25 Eanáir 2030. Tar éis dheireadh an tsainordaithe sin an 14 Nollaig 2024, mhol Rialtas na Gearmáine⁷ go gceapfaí André KNAPP mar chomhalta de Choiste na Réigiún.

⁴ Cinneadh (AE) 2025/378 ón gComhairle an 18 Feabhra 2025 lena gceaptar comhaltaí agus comhaltaí malartacha de Choiste na Réigiún don tréimhse ón 18 Feabhra 2025 go dtí an 25 Eanáir 2030 agus lena leasaítear Cinneadh (AE) 2025/71 (IO L, 2025/378, 6.3.2025, ELI: <http://data.europa.eu/eli/dec/2025/378/oj>).

⁵ 7950/25 agus 8481/25.

⁶ 7944/25.

⁷ 7121/25.

10. Thairis sin, tar éis do Werner AMON, comhalta de Choiste na Réigiún a ceapadh don tréimhse ón 26 Eanáir 2025 go dtí an 25 Eanáir 2030, a shainordú a chailleadh an 18 Nollaig 2024⁸, mhol Rialtas na hOstaire, i litir dar dháta an 20 Márta 2025⁹, go gceapfaí Manuela KHOM mar chomhalta de Choiste na Réigiún.
11. I bhfianaise an mhéid thuas, iarrtar ar Choiste na mBuanionadaithe, a dhearbhú go n- aontaíonn sé le téacs an Chinnidh, mar a leagtar amach in 8406/25 é, agus a mholadh don Chomhairle an Cinneadh sin a ghlacadh mar mhír ‘A’ ag ceann de na cruinnithe a bheidh ann amach anseo.
12. Tar éis cheapadh chomhaltaí agus chomhaltaí malartacha Choiste na Réigiún leis an gCinneadh a leagtar amach in 8046/25, ceapfar comhaltaí malartacha eile, nach raibh na moltaí lena gceapadh curtha in iúl ag na Ballstáit don Chomhairle faoin 30 Aibreán 2025.

⁸ 7554/25.

⁹ 7413/25.